

Uunga siunnersuut: Kalaallit Nunaanni aalisarnermi pisarineqartut isumalluutini atuinermut akitsuutaat pillugit Inatsisartut inatsisaat**Akissuteqaat**

(Aningaasaqarnermut Akileraartarnermullu Naalakkersuisoq)

Aappassaaneerinnineq

Naalakkersuisut sinnerlugit Aningaasaqarnermut Akileraartarnermullu Ataatsimiititaliap inatsisissatut siunnersuummik suliarinninnermini sukumiisumik sulisimanagera qujassutigissavara.

Siunnersuutip inatsisissatut siunnersuutip tunngaviata naatsorsorneqarnerata nalilersorneqarnissaa siunertaralugu suliarineqaqqinnissaa ataatsimiititaliap isumaliutissiissummini inassutigaa. Naalakkersuisut ulloq 3. November 2017-imi akissutaatigut ataatsimiititaliap kissaataa nammassisimassallugu neriutigaara. Naalakkersuisulli soorunami ataatsimiititaliap apequtissarisinnaasaanik allanik ataatsimiititaliap pisariaqartikkumaagaanik kissaatigumaagaanillu akissuteqarnermikkut tamanna naammassiniassavaat.

Aningaasanut inatsisissatut siunnersuummi ukiumut 50 mio. kr-inik isertitaqarnerunissap missingersuutigineqarnera ilanngullugu erseqqissaatigineqassaaq. Isertitaqarnerussutissami tassani siunnersuutip matuma akuersissutigineqarnissaa aallaavigaa. Isertitaqarnerussutissat aningaasanut inatsisissatut siunnersuutip pingajussaaneernejarnerani atortussannngortinneqarnissaa naatsorsuutigineqarpoq, tamannalu 2018-imut aningaasanut inatsisissatut siunnersuutip oqimaatigigiissinnissaanut pingaarutilimmik toqqammavissaaq.

Tassungalu tapiliullugu siunnersuutip matuma pingajussaaneernejarnerissaanut Naalakkersuisut allannguutissatut siunnersuummik annikitsumik saqqummiussinissamik isumaliuteqarnerat erseqqissaatigissavara. Allannguutissatut siunnersuummi pissutsit aalisagaqatigiiaat ataasiakkaat ukioq naallugu aalisarneqaratik, taamaallaat ukiup ingerlanerani piffissat ilaannaanni aalisarneqartarnerat isiginiarneqarpoq, tamannalu siunnersuutip akitsuutinut toqqammavianut sunniuteqarsinnaavoq.

Taamatut oqaaseqarlunga siunnersuutip saqqummiunneqartup pingajussaaneernejarnerissa sioqqullugu aammaarlugu Aningaasaqarnermut Akileraartarnermullu Ataatsimiititaliamut suliaannngorteqqinneqarnissaa Naalakkersuisut sinnerlugit siunnersuutigaara, taamaalluni ataatsimiititaliaq allannguutissatut siunnersuutip imarsiaanik isumernissamik periarfissinneqarsinnaaqqullugu.

Taama oqaaseqarlunga maani inersuarmit oqallinnissaaq ammaappara.